

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ODLUKA
O PRIHVATANJU ZADUŽENJA PO SPORAZUMU O ZAJMU IZMEĐU BOSNE I
HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA
REALIZACIJU PROJEKTA OPORAVKA I PODRŠKE FIRMAMA**

Sarajevo, decembar 2020. godine

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Predstavnički dom Parlamenta Federacije Bosne i Hercegovine na svojoj ___ sjednici održanoj _____ godine i Dom naroda Parlamenta Federacije Bosne i Hercegovine na svojoj ___ sjednici održanoj _____ godine d o n o s i

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA REALIZACIJU PROJEKTA OPORAVKA I PODRŠKE FIRMAMA

I.

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu (u daljem tekstu: Sporazum) između Bosne i Hercegovine (u daljem tekstu: BiH) i Međunarodne banke za obnovu i razvoj (u daljem tekstu: IBRD), u iznosu do 56.000.000,00 EUR, od čega ukupna odobrena sredstva za Federaciju iznose 33.600.000,00 EUR.

II.

Sredstva Sporazuma iz tačke I. ove Odluke koristit će se za finansiranje uspostavljanja i vođenje revolving kreditne linije za osiguranje Supsidijarnog finansiranja odabranim uključenim finansijskim institucijama u cilju davanja podzajmova mikro, malim i srednjim preduzećima.

III.

Sredstva Sporazuma iz tačke I. ove Odluke, odobravaju se Federaciji pod sljedećim uslovima:

- rok otplate.....15 godina
- grace period:.....5 godina
- kamatna stopa:.....šestomjesečni EURIBOR +fiksna marža
- jednokratna provizija:.....0,25% na iznos glavnice zajma
- dospijeća:.....polugodišnja u jednakim otplatama glavnice
- datumi plaćanja glavnice i kamata:.....15. februar i 15. august svake godine
- provizija na nepovučeni iznos zajma:..... 0,25% godišnje

IV.

Potvrđuje se da je razmatrana dokumentacija prihvatljiva za Federaciju, a posebno:

- Usaglašeni zapisnik s pregovora;
- Nacrt Sporazuma o zajmu između Bosne i Hercegovine i IBRD-a;
- Nacrt Projektnog sporazuma između FBiH i IBRD;
- Dokument o procjeni Projekta u Bosni i Hercegovini (PAD).

V.

U periodu implementacije Projekta, u budžetu Federacije nije potrebno osigurati dodatna finansijska sredstva za sufinansiranje Projekta.

VI.

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije za sredstva iz tačke I. ove Odluke i zaključivanje Sporazuma o implementaciji projekta između Federacije i Razvojne banke.

Za potpisivanje Supsidijarnog sporazuma i Sporazuma o implementaciji projekta ovlašćuje se federalni ministar finansija - federalni ministar financija.

VII.

Za realizaciju ove Odluke i izvještavanje zadužuje se Federalno ministarstvo finansija - Federalno ministarstvo financija i Federalno ministarstvo razvoja, poduzetništva i obrta i Razvojna banka FBiH, svako u okviru svoje nadležnosti.

VIII.

Implementacija Sporazuma iz tačke I. ove Odluke, ne zahtijeva donošenje novih ili izmjenu postojećih zakona.

IX.

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRAZLOŽENJE

I - PRAVNI OSNOV

Pravni osnov za donošenje ove Odluke sadržan je u članu 40. stav (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav (5) predviđeno je da Vlada Federacije Bosne i Hercegovine nakon prihvatanja Nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

II - RAZLOZI ZA DONOŠENJE

Osnovni razlog za donošenje ove Odluke je zaduženje Federacije Bosne i Hercegovine po osnovu Sporazuma o zajmu kod Međunarodne banke za obnovu razvoj (IBRD) za Projekat oporavka i podrške firmama.

Osnovni cilj projekta je da se podrži oporavak privatnih firmi koje su pogođene ekonomskim utjecajem krize COVID-19 kroz pristup finansiranju i konsolidovane programe javne podrške usmjerene na firme.

III - OBRAZLOŽENJE POJEDINIH TAČAKA

Tačka I. je nužna kako bi se prihvatilo zaduženje Bosne i Hercegovine kod Međunarodne banke za obnovu razvoj (IBRD).

Tačkom II. potvrđuje se namjena utroška sredstava Sporazuma.

Tačkom III. precizirani su uslovi Sporazuma.

Tačkom IV. potvrđuje se da je dokumentacija parafirana tokom pregovora sa Međunarodnom bankom za obnovu razvoj (IBRD) prihvatljiva za Federaciju BiH, što je uslov da Bosna i Hercegovina i Međunarodna banka za obnovu razvoj (IBRD) pristupe potpisivanju Sporazuma o zajmu.

Tačkom V. se definira da nije potrebno osigurati dodatna sredstva u budžetu Federacije za ovu namjenu.

Tačkom VI. daje se saglasnost za potpisivanje Supsidijarnog sporazuma i Sporazuma o implementaciji projekta kao i ovlaštenje federalnom ministru finansija - federalnom ministru financija da u ime Federacije potpiše isti.

Tačkom VII. se za realizaciju ove Odluke zadužuje Federalno ministarstvo finansija - Federalno ministarstvo financija i Federalno ministarstvo razvoja, poduzetništva i obrta i Razvojna banka FBiH, svako u okviru svoje nadležnosti.

Tačkom VIII. potvrđuje da za implementaciju Sporazuma o zajmu nije potrebno donijeti nove ili izmijeniti postojeće zakone.

Tačka IX. propisuje stupanje na snagu ove Odluke.